



梅庵先生朱子大全卷之九

詩

石馬斜川之集分韻賦詩得燈字

改歲風日好出門欣得朋復招里中彥及此雲間僧行行  
涉清波斯亭一來登徙倚綠樹蔭摩娑蒼石稜遙瞻原野  
春仰視天宇澄一水既紆鬱羣山正峻嶒時禽悅新陽潛  
魚躍輕冰却念去年日俯仰愁予膺長吟斜川詩日落寒  
烟凝暝色變晴景清尊照華燈頽頽感川祖稚齒歡年增  
酒盡不能起朱欄各深凭

游石馬以駕言出遊分韻賦詩得出字

拖病守窮廬閉戶常罕出坐見春氣深清陰晝蒙密今朝



積雨過淑景回煦律不有塵外蹤何由散愁寂行行整巾  
纒散漫委書帙野徑自縈紆前峯但當翠窈窕茂樹下左  
右寒流汨亂石翳倉根於焉憩腰膝追遊固才彥逢遇亦  
竒逸招邀愧深情晤言永茲日君有尊中物我進沂上瑟  
日夕不得留餘歡未云卑

三月晦日與諸兄為真率之約裴回石馬晚集保  
福偶成短句奉呈聊發一笑

春服明朝換晴川漲綠陰追隨皆勝侶邂逅即初心社蹟  
莓苔古禪龕竹樹深移尊真惜日畢景共披襟儉德遵賢  
範哇詞愧雅音清和應更好逸想寄雲岑是日約後會  
為仙洲之游  
此與鄰曲諸賢修舉歲事携壺石馬追補斜川之

遊而公濟適至飲罷首出和陶之句以紀其勝輒  
亦用韻酬答兼呈諸同遊者請共賦之

皇天分四序代謝無時休昔人抱孤念感此成清遊迥眺  
曾城臯朗詠斜川流歲月今幾許長波沒輕鷗眷言撫佳  
辰荒尋靡遺立且復置往事及茲命高儔縱策聊並歡飛  
觥起相酬未知千載下亦記此日不商歌有遺音林樂無  
餘憂但得長如此吾生復何求

行視武夷精舍作

神山九折溪泝此中半水深波浪闊浮綠春渙渙武夷  
溪凡

九曲多急流亂石此第五曲  
水特深闊平緩綠漪可愛上有蒼石屏百仞聳雄觀巔

巖露垠堦突兀倚霄漢此峯夷上削下拔地峭立如  
方壘帽按舊圖各大隱屏淺麓



下縈迴深林人叢灌湖然閱千載逮此開一日峯下小山重復中有

平地數十丈喬木長簾茂林脩竹交相蔽隱舊無入迹我

乘新村船輟棹青草岸榛莽喜誅鉏面勢窮考按居然一

環堵妙處豈輪奐左右轟竒峯躊躇極佳玩以病不能來

至是送別山西始自新村買舟以來視所縛屋三間制度

殊草草然背負大隱屏面直溪南大山左有魏王上巽峯

右有鍾模三教是時芳節闌紅綠紛有爛好鳥時一鳴王

孫遠相喚山多暫遊意已愜獨往身猶絆珍重舍瑟人重

來足幽伴已約初夏與同志皆往遊集

武夷精舍雜詠并序

武夷之溪東流凡九曲而第五曲為最深蓋其山自北而

南者至此而盡發全石為一峯拔地千尺上小平處微

土生林亦極蒼翠可玩而四隕稍下則反削而入如方壘

帽者舊經所謂大隱屏也屏下兩麓坡陀旁引還復相抱

抱中地平廣數畝抱外溪水隨山勢從西北來四屈折始

過其南乃復繞山東北流亦四屈折而出溪流兩旁丹崖

翠壁林立環擁神剎鬼刻不可名狀舟行上下者方左右

顧瞻錯愕之不暇而忽得平岡長阜蒼藤茂木按衍迤靡

膠葛蒙翳使人心目曠然以舒窈然以深若不可極者即

精舍之所在也直屏下兩麓相抱之中西南向為屋三間

者仁智堂也堂左右兩室左曰隱求以待棲息右曰止宿

以延賓友左麓之外復前引而右抱中又自為一塢因累

石以門之而命曰石門之塢別為屋其中以俟學者之羣



居而取學記相觀而善之義命之曰觀善之齋石門之西  
少南又為屋以居道流取道書真誥中語命之曰寒棲之  
館直觀善前山之顛為亭回望大隱屏最正且盡取杜子  
美詩語名以晚對其東出山背臨溪水因故基為亭取胡  
公語名以鐵笛說具本詩注中寒栖之外乃植接列樊以  
斷兩麓之口掩以柴扉而以武夷精舍之扁揭焉經始於  
淳熙癸卯之春其夏四月既望堂成而始來居之四方士  
友來者亦甚衆莫不歎其佳勝而恨它屋之未具不可以  
久留也釣磯茶竈皆在大隱屏西磯石上平在溪北岸竈  
在溪中流巨石屹然可環坐八九人四面皆深水當中科  
臼自然如竈可爨以瀹茗凡溪水九曲左右石皆石壁無側

足之徑唯南山之南有蹊焉而精舍乃在溪北以故凡出  
入乎此者非魚艇不濟總之為賦小詩十有二篇以紀其  
實若夫晦明昏旦之異候風烟草木之殊態以至於人物  
之相羊猿鳥之吟嘯則有一日之間恍惚萬變而不可窮  
者同好之士其尚有以發於予所欲言而不及者乎哉

精舍

琴書四十年幾作山中客一日茅棟成居然我泉石

仁智堂

我慙仁知心偶自愛山水蒼崖無古今碧澗日千里

隱求齋

晨窻林影開夜枕山泉響隱去復何求無言道心長



止宿寮

故人肯相尋共寄一茅宇山水為留行無勞具雞黍  
石門塢

朝開雲氣擁暮掩薜蘿深自笑晨門者那知孔氏心

觀善齋

負笈何方來今朝此同席日用無餘功相看俱努力

寒栖館

竹間彼何人抱甕靡遺力遙夜更不眠焚香坐着壁

晚對亭

倚筇南山巔卻立有晚對蒼峭矗寒空落日明影翠

鐵笛亭

山前舊有奪秀亭故侍郎胡公明仲嘗與山之隱者劉君兼道遊涉而賦詩焉

劉少豪勇游俠使氣晚更晦迹自放山水之間善吹鐵笛有穿雲裂石之聲胡公詩有更煩鐵笛吹與衆仙聽之句亭今廢久一日與客及道士數人尋其故址適有笛聲發於林外悲壯回鬱巖石皆震追感舊事因復作亭以識其處仍改今名

何人轟鐵笛噴薄兩崖開千載留餘響猶疑笙鶴來

釣磯

削成蒼石稜倒影寒潭碧永日靜垂竿茲心竟誰識

茶竈

仙翁遺石竈宛在水中央飲罷方舟去茶煙裊細香

漁艇

出載長煙重歸裝片月輕千巖猿鶴友愁絕掉歌聲

次公濟精舍韻



一室空山裏，纖塵迥莫侵。若非同臭味，誰肯遠過臨。健策凌丹壑，清詩動玉琴。溪邊一回首，平地足崎嶇。

奉同公濟諸兄自精舍來集沖佑之歲寒軒，因諸羽客同飲。公濟有詩贈守元章師，因次其韻。

蓬萊清淺，今幾年。武夷突兀，還蒼然。但忻丹籍有期，運不悟翠壁無寅。緣鼎中龍虎，應浪語紙上爻彖。非真傳明朝猿叫三峽路，一葉徑上滄浪船。

出山道中口占

川原紅綠一時新，莫雨朝晴更可人。書冊埋頭無了日，不如拋却去尋秦。

淳熙甲辰中春精舍間居戲作武夷擢歌十首呈

諸友遊相與一笑

武夷山上有仙靈，山下寒流曲曲清。欲識箇中奇絕處，權歌閑聽兩三聲。

一曲溪邊上釣船，幔亭峯影蘸晴川。虹橋一斷無消息，萬壑千巖鎖翠煙。

二曲亭亭玉女峯，插花臨水為誰容。道人不再荒臺夢，興入前山翠幾重。

三曲君看架壑船，不知停擢幾何年。桑田海水今如許，泡沫風燈敢自憐。

四曲東西兩石巖，巖巖花垂露碧。檻穆金雞叫罷無人見，月滿空山水滿潭。



五曲山高雲氣深長時烟雨暗平林林間有客無人識欵  
聳中萬古心

六曲蒼屏遶碧灣茅茨終日掩柴關客來倚櫂巖花落猿  
鳥不驚春意閑

七曲移船上碧灘隱屏仙掌更回看人言此處無佳景只  
有石堂空翠寒

八曲風煙勢欲開鼓樓巖下水繁詞莫言此處無佳景自  
是遊人不上來

九曲將窮眼豁然桑麻雨露見平川漁郎更覓桃源路除  
是人間別有天

伏蒙致政少傅相公寵賜寄題武夷精舍詩一首

拜受捧讀不勝仰歎無以自見區區感幸之誠輒  
繼高韻繕寫拜呈冒瀆威尊下情恐悚之至

望斷釣天白玉都石田茅屋詎應無况蒙一字榮褒袞便  
覺千峯勝畫圖舊弼詩情高綠野狂奴心事只風雲蒲輪  
幾日符嘉夢恰有流霞酒一壺舊弼公所居坊名取答詔  
臨止飲留宿翌日登車手取几間活人書一帙以行意者  
公當再施醫用之手以活斯人乎李義山武夷詩有流霞  
酒一杯之句

劉子澄遠寄羊裘且有懷仁輔義之語戲成兩絕

為謝以發千里一笑

短棹長蓑九曲灘晚來閑弄釣魚竿幾回欲過前灣去却  
怕斜風特地寒



誰把羊裘與醉披  
故人心事不相違  
狂奴今夜知何處  
月冷風淒未肯歸

過蓋竹作二首

二月春風特地寒  
江樓獨自倚欄干  
箇中詎有行藏意  
且把前峯細數看

浩蕩鷗盟久未寒  
征驂聊此駐江干  
何時買得魚船就  
乞與人間畫裏看

送建陽陳丞伯厚還鄉

括蒼雲壑入秋夢  
閩嶺風霜侵鬢絲  
歲晚未收稽古力  
徑荒曾擬賦歸辭  
一官坎壈嗟丞負  
百歲歡榮慶母慈  
去步逶迤無愠色  
此心惟有古人知

拜鴻慶宮有感

舊京原廟久煙塵  
白髮祠官感慨新  
北望千門空引籍  
不知何日去朝真

答袁機仲論啓蒙

忽然半夜一聲雷  
萬戶千門次第開  
若識無心含有象  
許君親見伏羲來

觀林長仁書卷戲題問答

猿去山空鶴亦飛  
柴門空掩釣魚磯  
門前樹葉都黃了  
何事幽人久不歸

為愛雲泉百尺飛  
故將茅屋傍苔磯  
幾年清夢黃塵裏  
此日秋風一棹歸



題嚴居厚溪莊圖

平日生涯一短篷，只今回首畫圖中。平章箇裏無窮事，要見三山老放翁。  
謂陸務觀時嚴居厚之官刻中

擬縣補以蟲鳴秋詩

天籟誰為主，乘時各自鳴。如分百蟲響，來助九秋清。未歇吟風調，先催泣露聲。乾坤闢氛氣，草木斂華英。易斷愁人夢，難安懶婦驚。唯應廣成子，萬感不關情。  
右語云絡繹驚鳴

挽蔡大博

疇昔相逢地，知君意矯強。旋聞將使指，勁節動朝行。方為人材喜，相期事業長。如何遽不淑，未及鬢毛蒼。

乙卯八月晦日浮翠亭次叔通韻

弱植有孤念，獨往窮名山。那知歲月逝，白首塵埃間。今朝定何朝，憑高睨清灣。羣賢亦矣止，共此一日閑。晤言不知疲，林昏鳥飛還。勝踐可無紀，重來諒非艱。留語巖上石，母使門常關。

用丘子服弟韻呈儲行之明府伯玉卓文及坐上諸友

我是溪山舊主人，歸來魚鳥便相親。一盃與爾同生死，萬事從渠更故新。

謹次縣大夫見屬之韻

撫摩凋瘵為心切，摹寫風煙著語親。只願從今更無倦，清詩美政逐年新。



承事卓丈置酒白雲山居飲踐致政儲文叔通因  
出佳句諸公皆和熹輒亦繼韻聊發坐中一笑

老去讀書秋樹根山林兒女定誰尊偶緣送客來僧寺却  
似披雲卧石門物外祇今成跌蕩人間何處不耽喧一杯  
且為陽關盡雙目從教別淚昏

東坡賦徐德上占舊居有一  
為兒女流始竟山林尊之句

丙辰正月三日贈彭世昌歸山

象山間說是君開雲木參天瀑響雷好去山頭且堅坐等  
閑莫要下山來

和人都試之韻

儲胥聞道落初成共喜兒郎意氣生初恨雨聲迷疊鼓忽  
驚晴色動高旌盤牟入詠詩情壯破的傳觴酒令明縱使

舊儒東鄉坐不妨堂上有奇兵

聚星落成致政陳丈率酒屬客出示新詩而仲卿  
朝瑞及劉范二兄相與繼作熹幸以卜鄰得陪勝  
集率爾次韻聊發一笑

適親德範仰循循遽喜名章肆筆成賸說臺高今勝昔極  
知星聚暗還明當家翰藻爭春麗上客詞源徹底清更共  
鄰翁閑指點千峯環合水無聲

謹次陳昭遠文龍洲鄉社高韻并呈諸兄友

幾年社酒醉班荆此日祠壇喜落成誤許俗書輕染汙急  
傳佳話頌登平年豐已荷天垂慶人傑還欣地炳靈不信  
鄰村是塵境請看綠水鎖紅亭



懷潭溪舊居

憶住潭溪四十年好峯無數列窓前雖非水抱山環地却是冬温夏冷天遠舍扶疎千箇竹傍崖寒冽一泓泉誰教失計東遷緣憊卧西窓日滿川

甘澤應祈一蘇焦槁皆昭遠致政宣義文及仲卿諸友晝夜精虔不出道場之力而招遠文惠詩文以見屬非所敢當輒依高韻和呈以見鄙懷并簡同社諸兄友

精禱由來未浹辰如何嘉澍便端臻誠通幽隱知無間喜動龍天信有因適歎倏焚千畝盡忽驚滂潤一時均誰云化育流行妙只屬乾坤不屬人

奉題李彦中所藏俞侯墨戲

不是曾中飽丘壑誰能筆下吐雲煙故應祇有王摩詰解寫離騷極目天

題劉志夫嚴居厚瀟湘詩卷後

瀟湘門外水如天說著令人意慘然試問登高能賦客箇中何似汨羅淵余南遊不能過衡山但見人說衡州門外泊舟處風物令人愁未知信否因覽此卷

請以記之

聞蛙

兩樞盛怒鬪春池翠吠同聲徹曉惟等是一場狼籍事更無人與問官私

延平水南天慶觀夜作



石樓雲卧對江城城角吟霜永夜清料得南枝正愁絕不堪聞此斷腸聲

墨誨

夢裏清江醉墨香藥寒枝瘦凜冰霜如今白黑渾休問且作人間時世裝

秋華四首

木芙蓉

紅芳曉露濃綠樹秋風冷共喜巧回春不妨閑弄影

蕙

古所謂蕙乃今之零陵香今之蕙不知起於何時也

今花得古名旖旎香更好適意欲忘言塵編詎能考

木犀

喬木生夏涼芳蕤散秋馥未覺歲將寒扶疎方遶屋

菊

青藥冒珍叢幽姿含曉露政爾破荒寒詎免傷遲暮

晦翁足疾得程道人鍼之而愈戲贈此詩

十載扶行恃短筇一鍼相值有奇功出門放步人爭看不

是前來勃率翁

戲答楊庭秀問訊離騷之句二首

昔誦離騷夜扣舷江湖滿地水浮天只今擁鼻寒窻底爛

却沙頭月一船

春到寒汀百草生馬蹄香動楚江聲不甘強借三峯面且

為靈均作杜蘅

佛法不怕爛却禪家語也杜蘅一名馬蹄香本草辨為藥云細辛則杜蘅水浸令直



二一  
年  
華陰也

孝宗皇帝挽歌詞

阜陵發引詔許近臣進挽歌辭熹恭惟盛德大業不易形容方將擣竭鄙思以效萬一具搜連日總得四語而忽被閔勞之詔罷遣東歸遂不敢成章以進杜門累年每竊私恨戊午之春大病瀕死默念平生仰孤恩遇無路補報感激涕泗不能自已謹因舊篇續成十有六韻略叙本末以見孤臣亡狀死不忘君之意云

精一傳心妙文明撫運昌乾坤歸獨御日月要重光不值亡胡歲何由復漢疆遽移丹極仗便上白雲鄉九有哀同

切孤臣淚特滂詎因逢舜日曾得廁周行但憶彤墀引類趨黼坐旁袞華叨假寵縞素識通喪似有鹽梅契還嗟具錦傷戴盆驚委照增秩待行香手疏摠丹悃衡程發皂囊神心應斗轉巽令亟風揚未答隆儒厚俄聞脫蹤忙此生知求已沒世恨空長內難開新主遄歸立右廂因山方慘澹去國又愴惶疾病今如許形骸可自量報恩寧復日忍死續殘章

詩送碧崖甘叔懷游廬阜兼簡白鹿山長吳兄唐卿及諸耆舊三首

荒廬不見幾經年一話清遊一悵然此日送君憑問訊千峯影裏舊潺湲



知君挂席下清江未見香爐意已降直上新泉得旌觀便  
將傑句寫長扛

遺君蹤跡莽荆榛曾把詩書為作新今日揔輸吳季子枕  
流漱石自由身

諸人已致書者此不復及此外更有陳勝私在九疊  
屏下田舍彭師范在隔江都昌縣界中皆勝士也趙  
南紀病卧城中不知今能出入否叔懷皆可為一訪  
致鄙意不敢輒以為跡相汗染也山間勝處皆有前  
賢題詠可尋獨新泉近出最名殊勝非三峽漱石所  
及而余未之見故詩中特言之黃石岩絕高而漱玉  
之原眼界特曠遠余嘗一詣而不能及近聞故吏張  
生棄家居之其勇猛精進老守蓋有愧焉叔懷儻至  
其然試為物色  
頗存問之為佳

立子服來訪道間得古梅折以為贈劉叔通江文  
卿俱來各有佳句因各次韻為答二首

老枝橫出數花新誰寄寒齋雪夜春江路猶應有幽伴抵

愁難得賞心人用子服韻

獨樹臨孤岸橫枝放淺花不須煩驛使正耐雪斜斜用叔通韻

西湖居士尋詩處今墮軟紅車馬塵半樹橫枝空好在只

應無地覓高人用文卿韻

用子服韻謝水僊花

水中僊子來何處翠袖黃冠白玉英報道幽人被渠惱著  
詩送與老難兄

引年得請伏蒙致政學士契丈特垂慶問寵以佳  
篇捧玩之餘感愧亡量輒借高韻少見謝誠伏幸  
笑檻



一氣無私物自繁  
放臣偏荷主恩寬  
方慙妄竊老夫號  
詎敢重簪博士冠  
身退未妨閑養病  
年豐何幸且偷安  
新篇似許參同社  
願刺仙舟上釣灘  
賈生鵬賦大鈞播物史記作鈞繫猶轉也義與播同

蒙恩許遂休致陳昭遠文以詩見賀已和答之復賦一首

闌干苜蓿久空槃  
未覺清羸帶眼寬  
老去光華歟黨籍  
向來羞辱侍臣冠  
極知此道無終否  
且喜閑身得暫安  
漢柞中天那可料  
明年太歲又浯灘  
湯昆灘建隆庚申距今已未年十歲時先君慨然顧語熹曰太子受命至今百八十年矣歎息久之銘佩先訓於今甲子又復一周而衰病零落終無以少塞臣子之責因和此詩并記其語以示兒輩為之盡然感涕云

已未九月子服老弟及仲宣詣友載酒見過坐閣  
居厚廟令出示佳句歡伏之餘次韻為謝并呈同

社諸名勝

籬菊斑斑半吐黃  
泝中又報紫萸香  
朝川有茱萸與泝同裝成令

節秋還晚擦得高  
情老更狂載酒極  
知乖勝踐沾衣却免

嘆斜陽是日本約會於周襄王會餘年只恐逢辰少  
吟罷

君詩引興長

奉和子服老弟黃揚游巖一首

聞道黃揚山上頭  
千峯環抱百泉幽  
羨君拄杖年年去  
飽

看人間萬頃秋

游洲巖下水泠泠  
枕石何妨夢裏聽  
要與他年成故事  
謾



尋幽處著新亭

和劉叔通懷游子蒙之韻

扣角聽君悲復悲壯心未已欲何之交游半落丘山外離  
別偏傷老大時尚喜淵潛容賈誼不須日飲教表絲病餘  
我更無慘賴勉為同懷一賦詩余素不能作唐律和韻尤  
難子服乃令更為手寫此三詩者不知欲以何用晨起書  
罷欲記歲月方竟是庚申開基節自此亦難逢之會感歎  
之久

叔通老友探梅得句不鄙垂示且有領客携壺之  
約次韻為謝聊發一笑

迎霜破雪是寒梅何事今年獨晚開應為花神無意管故  
煩我輩著詩催繁英未怕隨清角踈影誰憐蘸綠盃珍重

南鄰諸酒伴又尋江路覓香來

病中承子服老弟同居厚叔通居中居晦諸兄友  
載酒見過子服有詩牽勉奉和并呈在席幸發一笑

心期萬壑與千巖屢向君詩得指南久恨冷然孤宿諾偶

逢兀者便同參儻蒙大藥分金匕豈羨竒方出玉函誰識

留連今夕意沈痾未散莫回驂子服數有詩言黃楊之勝  
未及往而得足疾故有兀

者之句是夕坐客皆以霜寒  
欲函歸因又有未後句云

竒江文卿劉叔通

文卿句律如師律通叔詩情絕世情政使暮年窮到骨不  
教吟出斷腸聲

詩人從古例多窮林下如今又兩翁應笑湖南老賓友兩



年吹落市塵中此戲子蒙恐落窮籍我窮初不為能詩笑  
殺吹竿濫得癡莫向人前浪分雪世間真為有誰知可謂不

注歲為澹菴胡公以此論  
薦平生僥倖多類此云

姑射仙人冰雪容塵心已共彩雲空年年一笑相逢處長  
在愁煙苦霧中

香茶供養黃蘗長老悟公故人之塔并以小詩見

意二首

擺手臨行一寄聲故應離合未忘情炷香瀾茗知何處十  
二峯前海月明

一別人間萬事空他年何處却相逢不須更話三生石紫

翠參天十二峯

庚申立春前一日

雪花寒送臘梅萼腰生春歲晚江村路雲暎景更新

南城吳氏社倉書樓為余寫真如此因題其上慶

元庚申二月八日滄洲病叟朱熹仲晦父

蒼顏已是十年前把鏡回看一悵然履薄臨深諒無幾且

將餘日付殘編 (朱子大全卷九)

考異

石馬用公濟和陶韻 飛觥 一作飛觴

武夷精舍雜詠序 而出 一作而去 丹崖 一作丹壑

林立 一作森立 相羊 一作相忘



白雲送儲柯 僧舍一作僧寺 抵今成一作情懷常

無處不一作任 雙目從教別淚昏一作兩眼那

和叔通懷子蒙韻 聽君一作刘郎 半數一作半落

不須日一作未須痛 病餘我更無慘賴一作我今又

叔通探梅 繁英一作落英 珍重南鄰諸酒伴一作聞道南

又尋一作肯尋 宿諾一作獨往

病中承子服同諸兄友見過 方出一作方扣

便同一作遂同 儻蒙一作儻逢 誰識留連今夕意一作且幸親明相愛熱

黃蘗悟公塔 擺手一作撒手 故應一作故知

文公先生朱子大全考異卷之九

文公先生朱子大全卷之十

詩 樂府

謁表伯余宋祐

江上雲意滿風吹竹林平先生但堅坐稚子開柴荆

赴韻

千山木脫但空林天外哀鴻亦叫音認取溪亭今日意四

更山月湧波心

次晦叔寄弟韻二首

聞道君歸湘水東經行長在白雲中詩成天柱峯頭月酒

醒朱陵洞裏風舊學難酬香一瓣流年誰管鬢雙蓬書來

為指請訛處不涉言詮不落空



試上閩山望楚天，鴈飛欲斷勢還連。  
憑將袖裏數行字，與問雲間雙髻仙。  
我訪舊遊終有日，君歸故里定何年。  
祇今千裏同心事，靜對簞瓢獨喟然。

次范碩夫題景福僧開窓韻

昨日土墻當面立，今朝竹牖向陽開。  
此心若道無通塞，明暗何緣有去來。

題謝安石東山圖

家山花柳春，侍女髻鬟綠。  
出處亦何心，晴雲在空谷。

江月圖

江空秋月明，夜久寒露滴。  
扁舟何處歸，吟嘯永佳夕。

吳山高

行盡吳山過越山，白雲猶是幾重關。  
若尋汗漫相期處，更在孤鴻滅沒間。

題蔣騎圖

傳聞姑狃欲南侵，愁破雄邊老將心。  
却是燕姬能捍虜，不教行到殺胡林。

題尤溪宗室所藏二妃圖

瀟湘木落時，玉佩秋風起。  
日暮悵何之，寂寞寒江水。  
夫君行不歸，日夕空凝佇。  
目斷九疑岑，回頭淚如雨。

夜

獨宿山房夜氣清，一窻涼月共虛明。  
鄰雞未作人聲絕，時聽高梧滴露鳴。



醉作三首 七月二十六日夜

浙浙西風起嗷嗷寒鴈多稻梁隨處有珍重采薇歌  
浙浙西風起候蟲寒夜分千山杳沉寂竟夕斷知聞  
浙浙西風起濺濺石瀨鳴有情從是妄箇裏定無情

苦雨用俳諧體

仰訴天公雨太多纔方欲住又滂沱九關虎豹還知否爛  
盡田中白死禾楚詞招隱云虎豹九關啄害下人此

杉木長澗四首

我行杉木道弛轡長澗東傷哉半菽子復此巨浸攻沙石  
半川原阡陌無遺蹤室廬或僅存金甌久已空壓溺餘鯨  
孤悲號走哀恫賻恤豈不勤喪養何能供我非肉食徒自

閉一畝宮簞瓢正可樂萬劫安能同劫來一經行吁鄰涕  
無從所慰越尊俎豈憚勞躬攀躋倦冢頂求款回淒風  
眷焉撫四海矢志嗟何窮

朝發長澗頭夕宿長澗尾傷長澗人禍變乃如此

縣官發廩存鰥孤民氣未及九回昭蘇老農向我更揮涕陂  
壞渠絕田苗枯

阡陌縱橫不可尋死傷狼籍正悲吟若知赤子元無罪合  
有人間父母心

題中峯杉徑

盤回山腹轉脩蛇橫入中峯小隱家好把釋衫緣徑插待  
迎涼月看清華



山寺逢僧談命

此地相逢亦偶然漫將牛斗話生緣時行時止非人力莫問流年祇問天

贈書工

平生久要毛錐子歲晚相看兩秃翁却笑孟嘗門下士祇能彈鋏傲西風

蘭

謾種秋蘭四五莖疎簾底事太關情可能不作涼風計護得幽香到晚清

讀十二辰詩卷後其餘作此聊奉一笑

夜聞空篋齧飢牛曉駕羸牛耕廢園時方虎圈聽豪夸舊

業免園嗟莽鹵居看鬻龜卧三冬頭角不與蛇爭雄毀車殺馬罷馳逐烹羊酌酒聊容手種猴桃垂架綠養得鷓雞鳴角角客來犬吠催煮茶不用東家買猪肉

伏承示及毛公平仲墓銘日索挽詩意不及識毛公而愛重其文舊矣義不可避顧已不及其虞殞姑以數語題於墓銘後幸辱裁訂或轉而致之其家幸甚

毛君神仙骨誤落世網中髻鬣出奇語蕭然驚乃翁溺齡翰墨場不言已收功亭亭絕世姿皎皎冰雪容顧步一長嘯笙鶴翔秋空調高聽有稀老去意不逢一朝謝塵濁冷然跨剛風回頭叫安期舉手邀韓終千秋有遺想一住無



留蹤平生故人心灑涕銘幽宮斯人不可見斯文鬼神通  
挽鹿伯可郎中二首

浩碎謀謨遠勤民志慮重和身謝軒冕畢志友林泉出祖  
傾羣芳歸來足二賢誰令行樂地容易鎖寒烟  
疇昔東州路音書僅一通承顏終未遂仰德竟何窮野哭  
悲能遽巖居計莫同關心九原路無樹不高風

挽陳檢正庸二首

原德高賢濁清名起懦襟承宣幾年最明恕一生心勢  
飛騰晚忠存獻納深忽騎箕尾去陵柏為誰陰

門道光華辱宰卿丁寧話鹽筴纖悉見民情一別  
翼時論三年想頌聲我今空老淚難使濁河清

哭劉嶽卿

曾說幽棲地君家近接連要携邀月酒同棹釣溪船遽爾  
悲聞笛真成嘆絕絃林猿催老淚爲爾一潸然

詩餞陳兄朝章居士永歸本宅授諸挽者

蚤歲醇儒業中年居士身功名虛竹帛德義滿鄉鄰一笑  
藏舟失千秋宰樹新傷心耆舊傳那復有斯人

宿石岳館二首

春江日東注我行適其波揚帆指西遊兩岸青山多青山  
自逶迤飛石空巖我綠樹生其間幽鳥鳴相和舉蓬騁遐  
眺擊楫成幽歌獨語無與晤茲懷竟如何

停驂石岳館解纜清江濱中流擢歌發夫風水生鱗名都



固多才我來友其仁茲焉同舟濟詎止胡越親舞雩諒非  
遠春服亦已成相期豈今夕歲晚無緇磷

水口行舟二首

昨夜扁舟雨一簑滿江風浪夜如何今朝試卷孤蓬看依  
舊青山綠樹多

鬱鬱層巒夾岸青春山綠水去無聲煙波一棹知何許鷓  
鴒兩山相對鳴

詠巖桂二首

亭亭巖下桂歲晚獨芬芳葉密千層綠花開萬點黃天香  
生淨想雲影護仙粧誰識王孫意空吟招隱章

露浥黃金蕊風生碧玉枝千林向搖落此樹獨華滋本末

難同調籬邊不並時攀援香滿袖歎息共心期

次韻內察院送

寶文赴浙漕二首

遠俗何勞問威名舊已孚百城方仰澤一節遠還都聖主  
勤脩政今年決破胡期公寧餽輓注想在謀謨  
考卜川清曠端居柰樂何風雲一以便歲月不勝多節傳  
無淹駕林園得屢過功名從迫逐志業豈蹉跎

挽梁文靖公二首

擢第初龍首登庸再鳳池心期詎溫飽身任必安危幾歲  
調娛政今年殄瘁詩恭惟袞歎意不盡鑿亡悲  
疏寵無前比騰章又夙心極知求士切端為愛君深鹵簿  
寒笳遠塵埃斷葉侵空令殺公掾衰涕滿寒襟



挽周侍郎二首

德量推容物才猷足濟時陰功覃遠徼餘筭飽雄師行李  
淹星歲還鄉感羽儀一朝成殄率九牧共傷悲

憶昔趨丹闕看公上玉除民飢深獻納主聖極欷歔辨手  
寒江闊驚心夜壑虛竭來空老淚無地別輶車頃年熹以  
浙東荒政入奏適公還自荆鄂先一日引對具奏沿道所

見飢民狼狽之狀上感其言賑恤加厚然熹渡江不旬日  
即聞公訃今者會葬又以頃何失期追送不及故云

挽董安人二首

雅望推前輩承家賴女師閨門傳懿範湯沐盛恩私萬里  
駉鷲去千秋宰樹悲自應銘婦德誰與篆曹碑

令尹古循吏郡君今勝流平生餘事業晚歲極熏脩纈帳  
真成夢靈辰竟不留遺風被簫挽未竟九泉幽

題霜傑集

先生人物魏晉間題詩便欲傾天慳向來無地識眉宇今  
日天遣窺波濶平生尚友陶彭澤未肯輕為折腰客胷中  
合處不作難霜下風姿自竒特小儒閱閱金匱書不滯周  
南滯海隅粉榆連陰一見晚何當挽袖凌空虛

謝吳公濟菖蒲

翠羽紛披一尺長帶煙和雨過書堂知君別有臞仙種容  
易難教出洞房

易二首



立卦生交事有因兩儀四象已前陳須知三絕韋編者不  
是尋行數墨人  
潛心雖出重交後著眼何妨未畫前識得兩儀根太極此  
時方好絕韋編

客來二首

客來何處覓紅雲唯見風前萬點春心賞未妨隨處好綠  
楊陰裏換綸巾

悵望君家嶺上雲便携佳友去尋春論時劇飲無他意未  
管殘紅落佩巾

題沈公雅卜居圖

往者仲長子高情世無儔一朝謝塵躅卜築娛清幽茆屋

八九間下有良田疇後簷果垂實前庭樹相樛勝日賓友  
來琴觴共舒憂言論叢幽妙理亂窮端由至今一卷書凜  
然昭千秋沈侯經濟業夙尚木林立談笑出幻境寤言躡  
斯遊仰睇白石崗俯濯青瑤流曠然宇宙外邈矣將焉求

武林

春風不妨桃花笑陰雨能生客子愁只我無心可愁得西  
湖風月弄扁舟

桐廬舟中見山寺

一山雲水擁禪居萬里江樓遶屋除行色忽忽吾正爾春  
風處處子何如江湖此去隨漚鳥粥飯何時共木魚孤塔  
向人如有意他年來借一蘧蓀



伏讀元美軒詩卷謹賦一篇寄呈伯時季路二兄

我聞洞巖幽結友事臨眺浮言妨勝踐悵望空永嘯歸來

眩竒語更欲窮窳窳却尋兩翁意宴坐得觀照鳴泉俯涼

琤穹石仰蒼峭共與前創古三歎遺墨妙神遊恍不隔仁

宅忻有要回首鹿門期寒雲生遠嶠熹自林泉紹德樂巖

者遂已詩卷之首即東萊舍人呂公上

饒尚書注公軒蓋玉水工部喻公所書

熹次延之年兄韻敬題紹德菴真如軒寫呈伯時

季路二兄

先生可是愛吾廬來往鄰菴幾閨餘栢下竟開千歲室竹

間猶插萬籤書悲涼共識臨風處遊戲誰知落筆初寄語

山靈勤守護莫將題柱比相如

益公道人相見信安道温陵舊游出示近詩因次

其韻

別來幾度見歸鴻歲月悠悠一夢中莫道相望湖海闊爭

知千里不同風

一身千里伴征鴻北去南來羈旅中珍重故人相認得新

詩重幸舊家風

次益老韻

乾坤極處無今古道術多岐自短長儻有新思還告我不

應無鴈到衡陽

秋日

一雨生涼杜若洲月波微漾綠溪流茅簷掃去無塵土淡



薄開花遶舍秋

放船二首

浩蕩清江水依微綠樹風解維春雨外弭櫂夕陽中江草  
生新徑巖花點舊叢詩翁不愁思逸只奔何窮

疇昔清溪映船頭戲彩翰十年空往事一夢記前灘陡絕

垂蒼壁澄虛列翠岫今宵詩卷裏重得縱遐觀此年從舟  
此峽有水

鳥數十翔集舟前舟至輒  
走若相導十餘里乃散

水調歌頭

富貴有餘樂貧賤不堪憂誰知天路凶險倚伏互相酬請  
看東門黃犬更聽華亭清唳千古恨難收何似鷓鴣子散  
髮弄扁舟鷓鴣子成霸業有餘謀收身千乘卿相歸把

釣魚鉤春晝五湖烟浪秋夜一天雲月此外儘悠悠未棄  
人間事吾道付滄洲

次袁機仲韻

長記與君別丹鳳九重城歸來故呈愁思悵望渺灘平今  
夕不知何夕得共寒潭烟艇一笑俯空明有酒徑須醉無  
事莫關情尋梅去疎竹外一枝橫與君吟弄風月端不  
負平生何處車塵不到有箇江天如許爭肯換浮名只恐  
買山隱却要鍊丹成

蒲江紅劉知郡生朝

秀野詩翁念故山十年乖隔聊命架朱門舊隱綠槐新陌  
好雨初晴仍半暖金缸玉斝開瑤席更流傳舞藻借江天



留春色 過里社將兒姪談往事悲陳迹喜尊前見在鏡  
中如昔兩鬢全欺煙樹綠方瞳好映寒潭碧但一年一度  
一歸來歡何極

回文

晚紅飛盡春寒淺淺寒春盡飛紅晚尊酒綠陰繁繁陰綠  
酒尊 老仙詩句好好句詩仙老長恨送年芳芳年送恨長

次圭父回文韻

莫江寒碧縈長路路長縈碧寒江莫花塢夕陽斜斜陽夕  
塢花 客愁無勝集集勝無愁客醒似醉多情情多醉似醒  
用傅安道和朱希真梅詞韻

臨風一笑問羣芳誰是真香絕白獨立無朋等只有姑射

山頭仙客絕艷誰憐貞心自保邈與塵緣隔天然殊勝不  
關風露冰雪 應笑俗李麤桃無言翻引得狂蜂輕蝶爭  
似黃昏閑弄影清淺一溪霜月畫角吹殘瑤臺夢斷直下  
成休歇綠陰青子莫教容易披折

和西江月

睡處林風瑟瑟蒼來山月團團身心無累久輕安况有清  
涼池館 句穩翻嫌白俗情高却笑郊寒蘭膏元自少陵  
殘好處金章不換

又

堂下水浮新綠門前樹長交枝晚涼快寫一篇詩不說人  
間憂喜 身老心閑益壯形臞道勝還肥軟輪加壁未應



遲莫道前非今是

江盤詞

莫雨朝雲不自憐  
放教春漲綠浮天  
祇今畫閣臨無地  
宿昔新詩滿繫船  
青鳥外白鷗前  
發生香火舊因緣  
酒闌山月移雕檻  
歌罷江風拂玳筵

又

已分江湖寄此生  
長策短筇任陰晴  
鳴撓細雨滄洲遠  
繫舸斜陽畫閣明  
竒絕處未忘情  
幾時還得去尋盟  
江妃定許捐雙佩  
漁父何勞笑獨醒

浣溪沙次秀野酴醿韻

厭架年來雪作堆  
花裝也是近移栽  
肯令容易放春回

却恐陰晴無定度  
從教紅白一時開  
多情蜂蝶早飛來

好事近

春色欲來時  
先散蒲天風雪坐  
使七閩松竹變珠幢  
玉節中原在  
氣鬱葱葱  
河山壯宮闕  
丞相功成千載映  
黃流清澈

隲括杜牧之齊山詩作水調歌頭

江水浸雲影  
鴻鴈欲南飛  
携壺結客何處空  
翠眇烟霏塵世難逢一笑  
況有紫萸黃菊堪插  
滿頭歸風景  
今朝是身世昔人非  
酬佳節須酩酊  
莫相違  
人生如寄何事辛苦  
怨斜暉  
無盡今來古往  
多少春花秋月  
那更有危機與問牛山客  
何必獨沾衣



南歌子次張安國韻

落日照樓船穩過澄江一片天珍重使君留客意依然風  
月從今別一川離緒悄危絃永夜清霜透暮鴉明日回  
頭江樹遠懷賢目斷晴空鴈字連

叔懷嘗夢飛仙為之賦此歸日以呈茂獻侍郎當

發一笑

脫却儒冠著羽衣青山綠水浩然歸看成鼎內真龍虎管  
甚人間閉是非生羽翼上烟霏回頭祇見冢壘壘未尋  
跨鳳吹簫侶且伴孤雲獨鶴飛

水調歌頭聯句問訊羅漢

雪月兩相映水石互悲鳴不知巖上枯木今夜若為情應

見塵中膠擾便道山間空曠與麼了平生與麼平生了

不流行煮起披衣瞻碧漢靈華清寥寥千載此事本分  
明若向乾坤識易便信行藏無間處處摠圓成記取淵冰  
語莫錯定盤星

考異

景福僧開窓

若謂一作若道

晦庵先生朱子大全考異卷之十



三



